



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一八一

嶢山集四卷附補刻一卷嶢山詩集一卷附補刻 田從典撰

一

旭華堂詩集二卷 王奂曾撰

八九

旭華堂文集十四卷補遺一卷續編一卷 王奂曾撰

一三五

憶雪樓詩三卷崧衡遊草一卷并鄉集一卷還庚集一卷少作偶存一卷 王煥撰

三六一

蜀裝集二卷紀夢述哀詩一卷寫憂集二卷蕉鹿吟一卷

後寫憂集一卷蘆中吟一卷礪上草二卷秋山吟一卷 王煥撰

四三九

笛漁小稟十卷 朱昆田撰

五三九

嶢山集 嶢山詩集

田從典撰

清雍正九年賜書樓刻本 原書版
框高一九五毫米寬二四〇毫米

田從典 字克五，號嶢山，山西陽城人。生於順治八年（一六五一），卒於雍正六年（一七二八）。康熙二十七年（一六八八）進士，旋居父喪。三十四年始知廣東英德縣，行取授雲南道御史。歷官通政使、光祿寺卿、都察院左副都御史、兵部右侍郎、左都御史，陞戶部尚書，調吏部。雍正二年（一七二四），協辦大學士。三年拜文華殿大學士，兼吏部尚書。六年三月以老病乞休。四月啓程，才行一日至良鄉，病劇，薨於驛舍。品行端直，老成謹厚，諡號文端。有《嶢山集》、《嶢山詩集》。參考文獻：《清史稿》卷二八九、《清史列傳》卷一二、《國朝耆獻類徵初編》卷一二

序

三晉之文自漢太史令龍門司馬氏肇其宗而吾邱光祿張馮翊鮑司隸馮從事衍之其後介休郭氏遂爲海寓學者文行之宗至魏晉而河東文學大盛安邑魏尚書衛氏以逮晉黃門洗馬中都馮翊孫氏聞喜八裴太原諸王胥以文名世南渡則聞喜郭記室號中興文章第一馮翊孫廷尉號一時文宗秘監又號良史而其陟

序

賜書樓

鈞樞而言克立者則魏太原王氏司空之治論晉錄尚書之號文籍先生聞喜裴氏司空之圖地域職貢司空子右僕射之論崇有辨才而魏太原司空元孫中書令文獻公之論廢莊而美通葛也元魏以降常侍太原溫氏天才清婉江東至有恨我詞人數窮百六之慨內史汾陰薛氏號齊周隋三代文宗而是時龍門王氏元經禮樂論續詩續書讀易中說實爲千百藏學者

演經析道之宗內史子唐天策記室當時稱其

文曰登泰山俯滄海王氏弟太樂丞孫弘文學士遞衍河汾業以逮沛府修撰天才宏傑自龍朔以後又實爲唐二百年文章之宗解柳州柳氏偕韓吏部胥號大家太原少傅白氏百道判諸篇職馳海寓當時且疑掩出吏部右其它若祁縣中書侍郎二溫氏觀察王氏河東給事王氏修撰柳氏河中衛州呂氏諫議樊氏太原左

序

二

賜書樓

僕射王氏虞鄉常侍柳氏禮部司空氏又祁縣襄陽巡官溫氏以文名世未易悉數陟鈞樞而工言者亦滋繁而其尤克較著則祁縣中書令溫氏之書命汾陰記室子中書令之文誥而聞喜裴氏司徒中書令文忠公之雋宏辭而入制策異等也宋承唐五代後惟侍御史大名柳氏其系實出於解而陟鈞樞而言立者則介休守太師文氏之雋省元夏左僕射文正公司馬氏

序

三

賜書樓

之集百一十六卷又通鑑稽古家範日錄諸書多至數百卷以翼經析道而實克立千百禩承學士宗也金承唐宋後文學尤盛忻州左司元氏又實爲六百年來文章之宗而太原講議李氏又佐之以逮元陵川侍讀學士郝氏雁門臺經歷薩氏晉寧承旨張氏暨明梁園蒙溪白巖虎谷樓居文谷肖山藐山諸公胥以文名至陟鈞樞而靳立言者則蒲州二少師張氏韓氏山

陰少保王氏而河津文清公薛氏雖不靳立言而言實克模楷學者以約之宗也
國家文治熙融覃薄海內外古文辭之訣獨視宋元祐建中以後爲正公卿大臣漸漬沐浴而濩澤田公少讀書於城東之虎谷研精制義尤肆力於古文辭其言豐而不侈藻而不縟約而不齎廉而不劇明哲而不爲徑盡繁匝而不爲訛敝葢不惟材博格鉅得裴司空溫中令當制之體而

序

四

賜書樓

郭記室之奇采薛記室之崢泓柳州之俶削柳侍御之疎縱千彙萬狀實克牢籠而經緯之不惟折漢宋兩司馬之衷而并得其識與骨以言之精宣經之奧推行之實以克定厥宗抑以拔奇標正於宋劉檢討史志通曆金李應奉遺集元郝讀學讀書外傳之表而偕之參翔小有輝映太形不惟宋南渡以後邈焉眇儼而抑當晉而索其宗於西漢傳解中唐集錄之間此則
矣百世知言之君子繇魏晉以後陟鈞樞而言立者胥參覈焉而抑克少令海寓樵悴枯槁之士較工拙於秒忽者之庸有以樂乎此也
公爲文雅多散軼比 詰嗣省曹君暨其族屬搜得五十餘篇而札命 大文 謨序 人文 嘗侍公誨指陳古今文章雅俗眞僞諄復不厭而於三晉前輩以上溯漢唐宋人士之列在儒林文苑者論之尤詳以慤爰敷繹 誨指而推其繇流

別而衷統要者若此若夫

公在日月之際謨謀密勿暨它蒞職治績以克績

文忠文正文清者此則埃之史官不具論肄業

陽羨儲大文肅書



序

五

賜書樓

賜書樓曉山集目錄

卷之一

三曹山從典克五甫著

頌

日月含璧五星聯珠頌

聖治光昭河清獻瑞頌

奏疏

請禁調繁疏

請定行取考選之例疏

自陳疏稿

曉山集

目錄

一

賜書樓

乞歸疏稿

謝

恩賜筵宴摺子

遺疏

擬積貯疏

擬疏通選法疏

卷之二

序

武會試錄序

清代詩文集彙編

順天鄉試錄序

策問

辛丑會試策問 一道

癸卯武會試策問 一道

甲辰順天鄉試策問 一道

策問 四道

卷之三

記

記

曉山集

目錄

二

賜書樓

御賜詩扇石刻後

英德縣學宮新建啓聖祠碑記

近聖書齋碑記

書齋八約

識三鄉賢記後

記枕木 並詩

英德縣學宮新修青雲路碑記

先大夫墓表後記

題李熹元扁後

書

答左馮

與家西疇書 二

答白彥京書

祖宗會首公書

與姪孫于郡書

與家樹滋書

陞任家書

與姪想書

曉山集

目錄

三

賜書樓

答姪孫于郡書

修墳家書

雜著

砭愚說贈開翁殷大司馬

選陶庵先生四書文

雜說 二

書贈俞丞詩後寄白彥京

卷之四

表誌

四

泊谷張公墓表

坦菴呂公墓誌銘

趙太公墓誌銘

田母鍾孺人墓誌銘

白母王太孺人墓誌銘

彥京白公墓誌銘

先考府君暨先妣延孺人梁孺人白孺人合葬墓誌銘

祭文

祭英德縣城隍神文

嶢山集

目錄

四

賜書樓

焚黃祭文

補刻

送英石啟韶州權部

復翁源縣

復介休石學博

囑二屬

致清遠縣

致清遠縣

復肇府協鎮

嶢山集

啟馮廣州

自公張公墓誌

自公張公壽文

寶室雙節表

繩武張君墓誌銘

題陳儀部濂村詩鈔

嶢山集

目錄

五

賜書樓

五

日月合璧五星聯珠頌

謹序

臣聞惟德動天有孚斯應惟天祚德曆象攸彰互照
輝之盛上紀昌時聚房居翼之祥遠稽帝代皆由至道
充備而綏祉聿臻元氣弘敷而嘉徵丕著然未有二儀
寧謐三辰表式序之期萬類咸亨七曜煥連編之彩昭
然上瑞皎若合符者也欽惟我

皇上

治邁唐虞

仁同覆載

曉山集

卷之一

賜書樓

稟知臨之宜德備乎有容有執有敬有別

具廣運之量詣極乎乃聖乃神乃武乃文

泰交洽而容徽臣隣

與命申而敷陳彝訓

臨雍講學攬金聲玉振之大成

耕藉勸農親黛耜朱紘之盛典

廣虛受之益

聖不自聖而猶勤

弘好生之心刑期無刑而彌慎四海梯航重譯貢越裳之

鳥萬方玉帛南車消涿鹿之兵神菁翠莠之生雲霏霧
集瑞麥嘉禾之慶歲見月彰茲

御極之三年屆仲陽之吉月葭管候氣而律應夾鐘蕤英依
時而榮舒二葉表祥符於峻極式元象於高穹珠聯五
緯之光璧合雙輪之麗輝煌瑞色上映丹霄炳耀澄暉
遙瞻碧漢位當營室翼清廟之巍巍宮在椒普肅天門
之霽霽一陰一陽之道鼓舞以盡神合明合序之機黍
累而不爽協氣周夫八極祥光入於

九重粵自顓頊曆元以來推夫義和歲成之後於

曉山集

卷之一

二

賜書樓

今尤盛自古爲難乃

聖治極於光華

皇衷肅於臨保惟知敬以作所豈止謙而彌光旦明則昭事

維嚴陟降而不承無數載瞻嘉貺篤念

貽謀爰考典儀展忱孝享馨香俎豆用偕

至德以升聞瓊琤

絲綸聿俾普天而同祐夫神雀甘露尚紀編年寶鼎芝房猶

聞樂府垂諸史冊奉爲美談何況握金鏡而照六虛幹

璇衡而齊七政聚而成象昭

實運之昌隆煥乎其文協

至人之光被臣愧參調鼎未識桴壺荷遭際於

聖朝飲和最渥幸躬逢乎福佑誌慶宜先瞻

天彌峻無假稱美之文就日增榮顯效廣闕之義誠惶誠恐

稽首頓首而獻頌曰

皇自敬德協於太清光宅

大寶茂育羣生

湛恩汪濊萬化順成攝提有紀分野是經幾旋衡應擢曜舒

英明明象緯歸我章程一章

嶢山集

卷之一

三

賜書樓

月在夾鍾春陽載始五星並躔二曜合軌天漢光華閣

道遙運營室之次兩兩相比康阜告徵文明志喜

聖主垂裳乾坤儲祉二章

曆宗肇紀實自高陽德盛而應厥惟陶唐東井奎璧千

載相望合璧抱彩連珠曜芒順合共則動而有章式昭

聖瑞神應無方三章

於穆天命宅中有孚發揚

景運握持昌符麗天久照拱極華敷環回輻輳忝累不渝

心通帝載功齊化樞元吉在上光被海隅四章

嶢山集

乘乾撫運履泰臨宸祥風淑氣

厚澤深仁蟠際上下協和神人三五隆軌繁祉薦臻眷念

鴻烈肅爾明禋顯顯

令德福祿天申五章

皇極有建錫我民極累洽重熙休光允塞天地清寧三辰受

職邺隆既登

敬修彌飭履厚戴高賡歌

帝德壽域弘開於萬斯億六章

嶢山集

卷之一

四

賜書樓

聖治光昭河清獻瑞頌 謹序

臣聞至誠御宇兩儀昭位育之功大聖格天六合著清
寧之慶溯苞符之協應龍馬呈圖稽川瀆之嘉徵榮光
出水皆大河之獻瑞爲盛世之殊祥欽惟我

皇上

德協乾坤

治隆宇宙

繼承大統率由皆本於孝思

臨御兆民光被胥安於仁育法

曉山集

卷之一

五

賜書樓

天行健宵旰維勤與日同明隱微畢照

帝功巍煥由敷政以寧人

聖學高深在存誠而主敬蓋五年以來之

盛治洵一時莫罄其頌揚鸞輅青旗耕藉而加恩耆老橋

門壁水臨雍而推禮先儒述

聖諭則廣訓以垂萬言尊

孔子則諱名而封五代登賢舉孝振士習於寰中蠲稅緩征
恤民情於郡屋萬姓安居而樂業四方懷德而畏威減
賦額於東南海隅沐數百年未有之恩澤起營田於西

北水利增千萬頃無限之膏腴

訓欽恤以明刑示激揚以範俗文經武緯綱紀肅然物阜

民安雨暘時若我

皇上愈深乾惕事事遵

聖祖之留貽益勵精勤時時凜

昊天之昭鑒興道致治美不勝書地平天成瑞因疊至既嘉祥

之駢集又河瀆之獻徵維此黃河發源天上千里一曲

固紀勝於輿圖千年一清曾誌奇於簡牒爲聖人之大

瑞實古昔所希逢乃者歲當丙午陽德方亨月在嘉平

曉山集

卷之一

六

賜書樓

歲功已就上下二千里經數省而同清綿歷兩三旬入

新年而尚澈爲時既永開境方長此由

聖德達

天昭極盛之功以上格是以

天心眷

聖錫至奇之瑞以協徵蓋水者天一一生而地六成河者貫六

州而宗四瀆河之瑞較諸瑞爲尤大清之瑞在河瑞爲

更神至理昭然於

今爲盛瀕河黎庶接壤騰歡繞

殿臣工合詞稱

賀而我

皇上聖不自聖謙而又謙辭慶賀而交儆臣隣皆保泰持盈之訓遇嘉祥而祇承夙夜惟敷幾勤政之心念由

聖祖之垂庥錫茲介福遂荷

昊天而降鑒應以昌符懷柔既効順於河神錫類亦

覃恩於臣下

新綸爰布

大德彌光洵乎山川河岳爭欲獻其精華而在義吳虞周

嶢山集

卷之一

七

賜書樓

猶未方斯美盛也臣忝司密勿歷受

國恩親覩我

聖祖功德之廣運昭垂於六十一年復見我

皇上繼述之宏模條貫乎億千萬載神人協吉天地應符俯

察仰觀交呈疊現日月五星之象合璧連珠嘉禾瑞麥

之祥一莖數穗邊陲寧謐重譯來庭寰海晏安豐年屢

告慶遭逢之極盛樂疆宇之長春欣聞奇瑞於河清曷

禁歡聲之雷動謹拜手稽首奏頌一篇其辭曰

皇清受命

聖聖相承我

皇嗣位至孝至誠天地合德日月合明敬

天法

祖圖治勵精用人立政激濁揚清仁覆天下義正羣生勲高德

厚

天錫嘉徵如川之至如日之升一章

嘉徵既多大河呈瑞黃流澄清河臣

奏至清臣撫臣入告相繼僉曰河清臣親閱視泥沙若滌

纖塵不翳徹底光明映天澄霽以里計之數省之地以

嶢山集

卷之一

八

賜書樓

日計之兼旬之事二章

溯彼黃河發源崑崙至於積石以達龍門東流注海波

濤吐吞粵稽典冊黃流渾渾河水清澈千載希聞實惟

上帝協應

聖君綿二千里經兩三旬朗徹今古光曜乾坤三章

天眷

聖君嘉徵屢錫仰觀象緯俯察禾麥元氣流行太和洋溢自

天申之川流不息又俾河清以協

聖德榮光赤文載於史冊

清代詩文集彙編

皇清之世超越古昔瑞應千年懽騰百職四章

王公稽首臣庶獻忱籲請

朝賀仰答

高深

皇帝謙讓特下

綸音曰此嘉符

上帝是歆詒我多福

聖祖式臨益宜交儆克慎克欽明良喜起以協

天心煌煌

曉山集

卷之一

九

賜書樓

寶訓佩爲銘箴五章

維我

聖祖昭明在上六十餘年澤流穹壤峻德豐功天高地廣民無

能名巍巍蕩蕩我

皇受之羹牆瞻仰觀此黃河波流澄明上告

景陵以孝以享大小羣臣踴躍向往六章

洋洋大河實切

宸衷金錢發帑固築堤工安瀾有慶維四年冬適逢其際告

厥成功懷柔効順河伯咸通觀此黃河清波溶溶載中

祀典以報漬宗大小羣臣鼓舞悅從七章

聖人之瑞或見於古

聖人之德振古未覩嘉謨善政充溢六宇愈敬愈勤無逸作

所

治定功成

德洋恩溥大河協瑞天人相與臣拜稽首頌我

聖主億千萬歲受天之祐八章

曉山集

卷之一

十

賜書樓

請禁調繁疏

協理浙江道事雲南道試監察御史臣田從典謹

題爲調繁多屬徇私請查照舊例永禁濫調以重地方以

息營求事竊臣一介迂儒四年外吏蒙

皇上不遺葑菲拔置臺班

聖德難酬愚誠思竭伏見我

皇上舉賢用能知人善任羣策羣力成例不拘故督撫仰體

上意於州縣中廉能並著者亦往往破格請調以示鼓舞意

非不美事非不善而沿習既久弊端遂生有秉公而調

嶢山集

卷之一

十一

賜書樓

者卽有徇私而調者在州縣求調之弊大約有三一曰希圖美缺也一曰規避衝地也一曰預爲卓薦之基也在督撫濫調之弊大約亦有三一曰曲徇請託也一曰公行賄賂也一曰引用心腹之人也然而皆借整飭地方爲名簡拔賢能爲說旣不拘歷俸之深淺復不論參罰之有無巧爲朦朧竟成捷徑幸而得計題題爲之公行不幸而敗露遠適爲之駭異卽如原安徽巡撫李鈞調桐城縣知縣錢啟鰲一案指桐城縣之繁以爲簡指休寧縣之簡以爲繁近日山西大寧縣知縣許晉賄調

被叅一案先圖夏縣繼圖介休縣手本開銀至一萬數

千兩之多其他調繁之員如調歷城縣之管承寵調南

昌縣之王廷對等或以貪婪敗或以虧空叅若不將濫

調之例永禁長此安窮且營求得調之員其貪酷必甚

或前任之錢糧未清或上司之酬謝未足雖欲不侵用

庫帑剝削民財其勢有所不能上旣肅

國下又害民如是者宜禁且他員卽有不肖猶畏上司覺

察若不肖之員一經調繁則督撫司道皆其護身之符

也亦復何所忌憚如是者宜禁且一人調繁得計通省

嶢山集

卷之一

十一

賜書樓

州縣必皆探其獻媚之方人心不靜奔競成風如是者宜禁且小州縣調繁得計大州縣必皆尋一自固之術人情不安行止易壞如是者宜禁查調補舊例原爲江南浙江等七省中錢糧難徵之一百一十餘縣而設又邊遠煙瘴地方必調補熟悉風土之員臣請嗣後除舊例宜調者仍照舊題明調補外其餘一槩不准濫調且嚴定督撫違例處分則妄念旣息而吏治自清其或直有要地需才本官果不相宜者許該督撫明白奏請皇上照山陝例揀選好官補用則至公無私官方澄而民生

永賴矣緣係條陳事理字多逾格貼黃難盡未敢另繕
如果_臣言不謬伏祈

皇上敕部議覆施行

康熙四十三年八月初四日題初十日奉

旨該部議奏欽此該吏部議覆_臣等議得雲南道御史田
從典疏稱我

皇上舉賢用能知人善任督撫仰體

上意於州縣中廉能並著者往往破格請調以示鼓勵意非

不美事非不善而沿習既久弊端遂生有秉公而調者

峴山集

卷之一

十三 賜書樓

卽有徇私而調者如原安徽巡撫李鈞調桐城縣知縣
錢啟鰲指桐城縣之繁以爲簡指休寧縣之簡以爲繁
近日山西大寧縣知縣許晉賄調被叅手本開銀至一
萬數千兩之多其他調繁之員如調歷城縣之管承寵
調南昌縣之王廷對等或以貪婪敗或以虧空叅若不
將濫調之例永禁長此安窮查調補舊例原爲江南浙
江等七省中錢糧難徵之一百一十餘縣而設又邊遠
煙瘴地方必調補熟悉風土之員_臣請嗣後除舊例宜
調者仍照舊題明調補外其餘一槩不准濫調且嚴定

督撫違例處分則妄念既息而吏治自清等因條奏前

來查直隸山西陝西湖廣福建廣西雲南貴州四川等

省有_臣部停選聽該督撫具題調補者道府以下各官

共二百二十五員江南浙江陝西江西湖廣廣東福建

等省有_臣部照舊銓選仍聽該督撫具題揀選調補者

州縣等官共一百一十七員此外道府州縣並無調補

之例今臺臣疏稱破格請調習久弊生請永禁濫調等

語應如臺臣所奏嗣後除應調員缺仍照舊例調補外

其餘一槩不許濫調如該督撫違例濫行貢奏調補照

峴山集

卷之一

十四 賜書樓

依劣員保舉賢能例議處相應行文直隸各省督撫一

體遵行又疏稱或有要地需才該督撫明白奏請照山

陝例揀選好官補用等語查山陝等省道府等員缺俱

開列恭候

皇上選用其餘員缺俱歸月分銓補具題引

見仰候

聖裁無容再行揀選應將此處無庸議恭候

命下_臣部遵奉施行

康熙四十三年九月初一日題初六日奉